


上清太一金闕玉壘金真紀

度命飛仙符



却死來生與神合德度世符




夫俗人好道晚學初淺未識道源由且未離人間人問甚多罪咎犯之非一既有反善之辭有改過聞於高上之聽慎不可復使犯惡逆違生之罪也重犯十過天地弗赦身死為驗不可復改悔者也太靈畢道甚有微妙至

禁殺六畜眾生之物不能自改心易行無所益也譬水火之交耳得其益者白日升天犯

戒法則身段三泉靈寶管中經曰尤重於八節趙伯玄所謂生死門戶者也故九素玉傳經曰秋判之日尊卑盡會生死之日也古人

以秋分之日為秋判所以爾者秋分日乃會九天八地眾真人神上皇至尊三日三宿共定萬民之命所聚者咸多而神尊並集也諸八節日會天地諸真官先後及節凡三日三宿各還所司道士末學當依其日服仙生符升天符并除過符符文口付不欲筆傳秘之勿泄可不慎之



右八節日服符正中北向吞之



右太一除過符八節之日與仙符共服先服仙符次服此符也勅符三叩鐘祝曰

天赫赫地育青太一符秘長生神童侍鍊身形肌膚強骨肉輕壽無極見太平謁真君升天庭急急如律令

素靈玄洞經曰上皇大帝君玉尊陛下乃上登清靈宅太虛之闕丹城紫臺長綿玉樓君集于太微之觀上闕九天之門請九天之真皇中要太上三老君北極諸真及八海大神下命五嶽名山諸得仙者靈尊萬萬並會于寥陽之殿共集議天下萬民之罪福記諸吉凶學道勤懈疏識犯過日月修行善惡刑罰之科生死之狀各隨其屬部境根源條例副之司命書于黃篇罪福纖芥刻于丹誠之籍伏匿之犯惡陰德之細功者無不一二縷別

而知之者其夙夜半出中庭北向脫中再拜
 長跪上啓太上北極天尊求救萬過并服除
 過符也任意自陳乞服符畢便願曰
 太上皇帝削其死籍移書三官使著神仙之
 錄其謁王札長生久視通真達靈畢又叩頭
 四下再拜而還靖室深自尅責符存念三元
 中神今上啓太上如此者三名上仙籍罪咎
 除滅也
 三元泥丸絳宮丹田三神也存念三元三神
 上啓
 天尊乞求恩救助已自陳今必上聞者也秋
 分三啓生籍乃定死名乃除
 又洞達命書中經曰夫好道精思常務在宿
 夜存念天地并愛育萬物當令行不敢傷神
 言不敢傷物天地者亦盡我身也師靖亦我
 身中是故聖人包內知外夫欲思改更未必
 中庭并入靖也觀之所由察之所行此之謂
 也北辰亦我身形但當獨處所住屋室靜思
 按法燒香所念乃吉心中衆欲濁氣不除徒
 宿靖廬亦無所益

昔有裴君止於空山之上修行精思一年之
 中髮鬚形像二年之中五帝來日形見在君
 左右三年之中終日而言笑樂五年之中五
 帝日君遂與裴君驂乘飛龍之車東到日窟
 之天東蒙長丘扶桑之宮八極之城登明真
 之臺坐希林之殿檢揮神之章九有之符食
 青精日飴飲雲碧玄腴於是與五帝日君日
 日而遊此所謂奔日之道也所以吸取日精
 五帝從日而前不可不修此一法要道隱書
 中爲曰子欲爲真當存日君駕龍驂風乘天
 景雲東遊希林遂入帝門精思乃得要道不
 煩名上青靈列位真官
 爲真之法宿宿視月臨目閉氣九息因又咽
 月光九過當存月光使入口中即而吞之畢
 仍存青帝夫人從月光中來在我之左次存
 赤帝夫人在我之右次存白帝夫人在我之
 背次存黑帝夫人在我之左手次存黃帝
 夫人在我右手次存五帝夫人都來乃又存流
 鈴雲車駕十龍從月光中來到我之背存五
 夫人共載爲奔月也子欲升天存月大人駕

乘飛龍乘我流鈴西到六嶺遂入帝室精思
 乃見上朝天皇白日精思對日思日中五帝
 君夜則精思對月思存月中五夫人若能精
 誠日月並俱若始學則五靈形見按書賜芝
 威制羣神役使玉女玉童位此四真故受太
 一素秘金券正應向北面四拜拜四真東西
 南北應位也
 受書真人假神虎之符以制嚴六天流注邪
 精流金之鈴以命召衆真杖青毛之節以周
 流九宮皆以精思微妙幽感天心是以靈降
 扶身上升帝庭耳道士行者若處密室日月
 有陰不見時但心中存而思之不可待見日
 月也以彼精思心盡無所不通先存五星在
 體上有日月也



右龍秘虎符道士入山佩之行來他方亦佩
 非太一道士不得妄佩也

原缺

右生靈九有符七月七日服之若佩之不食
六畜食六畜不可服也此九真道士裴處和
在幽石山中九靈君三更授之欲得長生日
服一符久自升玄知道

原缺

右延年除百病符日吞一道

原缺

右達視符修身一日服二道

原缺

右欲得長生日服一符久久自升玄知道見
形逆知方來

方九

十二

原缺

上清太一金闕玉童金真紀

正一天師清微弟子 洪百堅 製作



太上洞玄靈寶投簡符文要訣

卷

𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎
𠄎	𠄎	𠄎	𠄎	𠄎	𠄎	𠄎	𠄎	𠄎	𠄎